



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Epistola Osii, Quam secundo ad subscriendum solicitatus, scripsit ad
Constantium.

urn:nbn:de:hbz:466:1-15256

ANNO CHRISTI 355. Constantini internectionem, sed beatæ memoriae Constantitatem minorem natu fratrem nunquam cessavit ad inimicitias nobiscum suscipiendas incitare: quod sane factum fuisset, nisi nos æquiore animo & incitantis bilem tulissimus. Quare præclaram illam victoriam de Magnentio & Siluano partam non tanti facerem, quanti istius ab ecclesiasticarum rerum administratione abdicationem.

Liberius: Noli per episcopos tuas vlcisci inimicitias: nam virorum ecclesiasticorum manus sanctificationi va-
Deregit Constantis animi præ-
care debent. Quapropter, si placet, iube episcopos ad eum.
proprias sedes restitui. Atque si videantur cum eo, qui etiam iam rectam veramque fidem in Niceno Concilio expositam tueretur, consentire; tum in unum conuenientes, paci orbis terræ prouideant: perficiantque ut non compertum sit aliquando, hominem, qui non deliquerit, damnatum esse. *Constantius*: Vnum est quod queritur: volo ut tu ecclesiarum communionem amplectaris, & deinde Romam redeas. Proinde consule paci, subscribe, ut Romam reuertaris. *Liberius*: Iam fratres, qui Romæ sunt, valere iusli. Nam leges ecclesiasticas obseruare, pluris faciendum censeo, quam Romæ habere domicilium. *Constantius*: Itaque trium dierum spatium tibi ad deliberandum concedimus, utrum subscribere volueris, & ita Romam redire: an tecum constitueris, quem ad locum transferri placeat. *Liberius*: Spatum trium dierum, aut mensium, rationem non mutat: quare mitte me quo lubet. *Constantius*: Post biduum cum iudicium actum fuerit de Libero, si consilium non mutet, exulet velim usque Beroeam Thraciæ.

E P I S T O L A O S I I,

Quam secundo ad subscribendum solicitatus, scripsit
ad Constantium.

Osius Constantio imperatori S. P. D.

EGO confessionis munus expleui, primum cum perse-
cutorio moueretur ab auo tuo Maximiano. *Quod si tu*
quoque persecutionem moues; etiam nunc ad quiduis
Extrat apud Athanaf. epist. ad fo-
litar. vitam agent.

potius sustinendum paratus sum, quam vt effundam innocentem sanguinem, & veritatem prodam. Teque nequaquam probotalia scribentem, & istiusmodi minas denuntiantem. Desinas igitur istiusmodi scribere, neque sentias cum Ario, neque audias orientales, neque Vrsacio & Valenti fidem habeas: quæ enim illi dicunt, non ob Athanasium, sed ob suam haeresin dicunt. Mihi crede, qui tuus auus ætate esse possem. Fuit ipse in Sardicensi Concilio, cum tu, tuusque frater B. Constans nos omnes eo conuocabat: ipseque vltro Athanasii inimicos prouocaui, cum ad ecclesiam, vbi ego commorabar, aduenissent, vt si quid contra eum haberent, ederent: promisque eis securitatem, neve quidquam aliud expectarent, quam rectum in omnibus iudicium; idque non semel, sed bis feci. Quod si nollent rem ab vniuersa Synodo disceptari; saltem me iudice vterentur: promisque etiam, nos Athanasium, si in noxa reperiatur, omnibus modis eiecturos esse. Quod si innocens deprehendatur, & vos ostenderit calumniatores, & æque illum recusaueritis: ego illi persuadebo, vt mecum in Hispanias veniat. Athanasius autem his conditionibus obtemperauit, nihil contra oblocutus: illi vero ad omnia æque diffidentes recesserunt.

Osius de-
fendit A-
thanasiū.

Athanasius deinde tuis literis accersitus venit in castrata, omnesque inimicos suos, qui Antiochiae præsto erant, sigillatim accersiri iussit, vt aut redarguerent, aut redarguerentur, & aut se præsentem commonistrarent ea fecisse, quæ obiecerant; aut ne absentem calumniaruntur. Sed ne te quidem hæc ipsis denuntiantem sustinuerunt, minime istiusmodi conditiones admittentes. Cur igitur nunc audis obtrectatores eius? Aut cur toleras Valentis & Vrsacii criminatores, pœnitentia & scripto professos se calumniam fecisse? Confessi enim sunt suam sycophantiam, non vi adacti, vt ipsis causantur, cum nulli ibi milites incumberent, & tuus frater nesciret. Nihil enim tale sub ipso agebatur, qualia nunc fiunt: sed illi vltro Romam venerunt, & coram episcopo presbyterisque ibi præsentibus confessionem suam scripto ediderunt, cum prius pacatas literas & amicas ad Athanasiū dedissent. Quod si iis libet vim caufari, idque pro malo

ANNO CHRISTI 355. habent, nec a te probatur : omitte igitur & tu violentiam tuam , nec literas scribe , nec Comites mitte, sed relegatos exiliis libera : ne te de vi querente , maiorem vim illi sub tuo nomine exerceant. Quid enim tale a Constante auctum est? aut quis ibi episcop us relegatus? aut quando iudiciis ecclesiasticis interfuit? aut quis ipsius palatinus vim adhibuit vt contra aliquem subscriptio fieret? vt idem Valens cum suis aliquid colligat, habeatque quod obiiciat.

Define, quæso, & memineris te mortalem esse ; reformatio
mida diem iudicii ; serua te in illam diem purum ; ne te
misceas ecclesiasticis, neque nobis hoc in genere præci-
pe, sed potius ea a nobis disce. Tibi Deus imperiu m com-
misit ; nobis quæ sunt ecclesiæ concredidit. Et quemad-
modum qui tuum imperium malignis oculis carpit, con-
tradicit ordinationi diuinæ: ita & tu caue, ne, quæ sunt
ecclesiæ, ad te trahens, magno criminis obnoxius fias.

Date (scriptum est) quæ sunt Cæsar is, Cæsari; & quæ sunt Dei Deo. Neque enim fas est nobis, in terris imperium te-
nere: neque tu thymiamatum & sacrorum potestatem
habes, imperator. Hæc quidem ob curam tuæ salutis scri-
bo: & deiis quæ in epistolis scribis, hanc meam senten-
tiam accipe. Ego neque Arianis assideo, neque suffra-
gor, sed eorum hæresin anathemate damno: neque in Athanasium accusationibus subscribo; quem nos, & Ro-
mania ecclesia, & vniuersa Synodus innocentem pronun-
tiavit. Nam & tu quoque cum rem cognitam perspe-
ctamque haberet, Athanasium accersiuiti; fecisti que
eicopiam, vt cum honore in patriam & in ecclesiam re-
uerteretur. Quæ igitur causa est tantæ huius mutationis,
cum iidem inimici eius sint, qui antea fuerunt? & quæ
nunc susurrant, nihil eorum, cum ille præsens esset, hi-
scere audebant; sed ea, antequam accerseres Athanasiū,
obmurmurabant: quo tempore a me conuenti (quem-
admodum superius dixi) vt ederent criminum docu-
menta, nihil in medium adducere potuerū: nam si quid-
quam potuissent, non ita turpiter aufugissent. Quis te igitur
induxit, vt post tantum temporis, tuarum literarum & sermonum obliuiscereris? Inhibeto, quæso, neque au-
res præbeas malis hominibus, neque ob mutuas inuicem

Officii con-
stantis & pia
admonitio.

*Math. 22.
Lyc. 20.*

cum illis gratificationes te ipsum reum facias. Quæ enim eis indulseris, de illis in iudicio solus cogeris causam reddere: isti suum inimicum per te satagunt iniuria afficere, teque volunt ministrum suæ malitia esse, vt per te detestabilem hæresim in ecclesia seminent. Non est prudentis, in gratiam alienæ libidinis seipsum in periculum certum coniicere. Desine, quæso, & ausulta mihi, Constanti: hoc enim decet & me scribere, & te non vilipendere.

CONCILIVM BITERRENSE

ANNO
CHRISTI
356.
SVB LIBERIO PAPA.

De quo Hilarius Pietauorum episcopus Saturnini Arelatensis dolo in exilium aëtus est, anno Christi CCCLVI.

Liberii papæ v. Constantii Aug. xx. in Gallia iv.

SYNODI Biterrensis post Arelatensem meminit, ut dictum est, Sulpitius Seuerus. In hac cum hæresim Arianam ingerere pararet Saturninus episcopus Arelatensis, fidei periculum præuidens Hilarius, episcopis qui ad Synodum conuenerant, hærefoe cognitionem obtulit, ut cauerent, ingerendæque blasphemiae patronos denuntiauit. sed frustra, ut ipsemet narrat in libro aduersus Constantium: Quibus postea, inquit, Gallicanis nimirum episcopis, per factionem eorum pseudoapostolorum ad Biterrensem Synodum compulsis, cognitionem huius hærefoe obtuli. Sed hi timentes publicæ conscientiæ, audire ingesta a me noluerunt: putantes se innocentiam suam Christo posse mentiri, si volentes nescirent quod gesturi postmodum essent scientes. Et in libro de Synodis. Mansit namque, atque etiamnunc permanet, post Synodi Biterrensis professionem, in qua patronos huius hærefoe ingerendæ quibusdam vobis testibus denuntiaueram, innocens, inuolataque religio. Ea re commotus in Hilarium Saturninus, & quia is iam ante post Paulini, aliorumque exilium, a Saturnini & sociorum se communione separauerat, aduersantem conatibus suis non ferens, egit, circumuento falsis Synodi nuntiis Constantio, ut Hilarius in exilium pelleretur. Quod Hilarius item ipse docet in eodem libro de Synodis: Vos compar-ticipes